

Huntam Pát Lâng ê Tāng Tàⁿ

6 Hiaⁿtī chímōe, nā ū lâng hāmjip kòesit, lín chiahê siók lêng ê lâng tiòh iōng unjiū ê sim kā i kiùchèng; lín kakī mā tiòh kínsīn, chiah biántit siū iúhék. ²Lín tiòh hōsiōng huntam píchú ê tāng tàⁿ, ánnē tòh sī teh síthiān Kitok ê kàsī. ³Bô siáⁿ châilêng khiok siūⁿ kóng kakī chin gâu ê lâng, sī teh khiphiàn kakī. ⁴Ták lâng lóng tiòh séngchhat kakī ê hêngûi; nā ū hó hêngûi, kantaⁿ thang tùì kakī khoakháu, bô suìàu kah pátlâng pìphēng. ⁵Inūi kok lâng ê tāng tàⁿ tiòh kakī taⁿ.

⁶M̄ koh, niásiū tōlí ê lâng, tiòh kā tak hāng hó mih kah thoānsiū tōlí hō i ê lâng hunhióng.

⁷M̄ thang khiphiàn kakī, SiōngChú sī bē tàng búbān ê. Lâng nā cheng siáⁿmih, tòh ē siusēng siáⁿmih. ⁸Inūi kiānnā ū tiòh beh boánchiok kakī ê jiòkthé lâi iā chéng ê lâng, i ê siusēng tòh sī jiòkthé ê síbōng; kiānnā ū tiòh beh hō Sènglêng hoaⁿhí lâi iā chéng ê lâng, i tòh ē tùì Sènglêng tit tiòh éngseng. ⁹Chò hósū m̄ thang sitchì, inūi lán nā bô hòngkhi, sí kàu tòh ē ū siusēng. ¹⁰Sóí, lán tiòh páak kihōe lâi tùì chénglâng chò hósū, iúki sī tùì hiahê tī sīngióng siōng kah lán siók káng chítê tōa katéng ê lâng.

Kiatbóe ê chhéngan

¹¹Lín khòⁿ, góa chhinpit ēng chiah tōa ê jī thé siá phoe hō lín! ¹²Hiahê tī gōapiáu chng thébiān ê lâng, in sī siūⁿ beh kiôngpek lín chiapsiū katlé. In ánnē chò, kantaⁿ sī ū tiòh beh pībián inūi Kitok ê sípjìkè lâi chosiū pekhāi. ¹³Kísit, lián hiahê siū katlé ê lâng kakī mā bô chunsiú lúthoat; m̄ koh in khiok ài lín chiapsiū katlé, thang khoakháu lín ū chunsiú gōapiáu siōng ê légi. ¹⁴Nā sī góa, góa ittēng kantaⁿ beh khoakháu lán ê Chú lésu Kitok ê sípjìkè. Inūi tùì góa lâi kóng, sèkan íkeng tēngsí tī sípjìkè téng; tùì sèkan lâi kóng, góa mā íkeng tēngsí tī sípjìkè téng. ¹⁵Ū siū katlé kah bô siū katlé lóng bô iàukín, iàukín ê sī lán tiòh chiáⁿchò chítê sin chhòngchō ê lâng. ¹⁶Kiānnā chunchiàu

分擔別人 ê 重擔

6 兄弟姊妹，若有人陷入過失，lín chiahê 屬靈 ê 人 tiòh 用溫柔 ê 心 kā 伊糾正；lín kakī mā tiòh 謹慎，chiah 免得受誘惑。²Lín tiòh 互相分擔彼此 ê 重擔，ánnē tòh 是 teh 實現基督 ê 教示。³無啥才能卻想講 kakī 真 gâu ê 人，是 teh 欺騙 kakī。⁴Ták 人 lóng tiòh 省察 kakī ê 行為；若有好行為，kantaⁿ thang 對 kakī 誇口，無需要 kah 別人比並。⁵因為各人 ê 重擔 tiòh kakī 擔。

⁶M̄ koh，領受道理 ê 人，tiòh kā tak 項好物 kah 傳授道理 hō伊 ê 人分享。

⁷M̄ thang 欺騙 kakī，上主是 bē tàng 侮慢 ê。人若種啥物，tòh ē 收成啥物。⁸因為見若為 tiòh beh 滿足 kakī ê 肉體來掖種 ê 人，伊 ê 收成 tòh 是肉體 ê 死亡；見若為 tiòh beh hō 聖靈歡喜來掖種 ê 人，伊 tòh ē tùì 聖靈得 tiòh 永生。⁹做好事 m̄ thang 失志，因為咱若無放棄，時到 tòh ē 有收成。¹⁰所以，咱 tiòh 把握機會來對眾人做好事，尤其是對 hiahê tī 信仰上 kah 咱屬全一个大家庭 ê 人。

結尾 ê 請安

¹¹Lín 看，我親筆用 chiah 大 ê 字體寫 phoe hō lín！¹²Hiahê tī 外表粧體面 ê 人，in 是想 beh 強迫 lín 接受割禮。In ánnē 做，kantaⁿ 是為 tiòh beh 避免因為基督 ê 十字架來遭受迫害。¹³其實，連 hiahê 受割禮 ê 人 kakī mā 無遵守律法；m̄ koh in 卻 ài lín 接受割禮，thang 誇口 lín 有遵守外表上 ê 禮儀。¹⁴若是我，我一定 kantaⁿ beh 誇口咱 ê 主耶穌基督 ê 十字架。因為對我來講，世間已經釘死 tī 十字架頂；對世間來講，我 mā 已經釘死 tī 十字架頂。¹⁵有受割禮 kah 無受割禮 lóng 無要緊，要緊 ê 是咱 tiòh 成做一个新創造 ê 人。¹⁶見若遵照 chítê 準則 ê 人，願平安 kah 憐憫臨到 in，mā 臨到上主 ê 以色列子民！

chitê chúnchek ê lâng, goān pêngan kah liânbin
lîmkàu in, mā lîmkàu SiōngChú ê Isulael chúbân!

17 Tùi taⁿ íâu, bôlūn siáⁿ lâng lóng m̄ thang koh
kā góa kiáujiáu, inūi góa ê sinchiūⁿ ū lésu ê ìnkì.

18 Hiaⁿtī chímōe, goān lán ê Chú lésu Kitok ê
intián kah lín tôngchāi! Amen!

17 Tùi taⁿ 以後，無論啥人 lóng m̄ thang koh
kā 我攪擾，因為我 ê 身 chiūⁿ 有耶穌 ê 印記。

18 兄弟姊妹，願咱 ê 主耶穌基督 ê 恩典 kah
lín 同在！阿們！